

四庫全書

子部

欽定四庫全書

太平御覽卷六十八

宋 李昉等 撰

地部三十三

水

潮

川

水

說文曰水水堅也澌流水也

易曰初六履霜堅冰陰始凝也馴致其道至堅冰也

又曰乾為寒為冰

易通卦驗曰大雪魚負冰鄭玄注曰負冰上近冰也

詩曰二之日鑿冰冲冲三之日納于凌陰

周禮曰凌人掌冰祭祀共冰鑑

鑑如甌大口藏水以禦溫氣也

賓客供

水大喪供夷槃冰

夷槃大盤

夏頒冰

賜群臣也

又曰凌人掌冰正歲十有二月令斬冰三其凌

三其凌三倍其

水

禮曰孟冬之月水始冰地始凍仲冬之月水益壯地始坼鶡旦不鳴虎始交

又曰立春之日東風解凍又五日蟄蟲始振又五日魚上冰風不解凍號令不行魚不上水兵甲不藏

傳曰楚子使薳子馮為令尹遂以疾辭方暑闕地下水

而牀焉重繭衣表

繭袍也禮玉藻曰續為繭緼為袍

鮮食而寢楚子使

醫視之復曰病則甚矣而血氣未動

又曰春無冰梓慎曰今茲宋鄭其饑乎陰不勝陽也

又曰日在北陸而藏冰西陸朝覲而出之其藏水也深山窮谷固陰沍寒於是乎取之其出之也朝之祿位賓食喪祭於是乎用之其藏之也黑牡秬黍以享司寒其出之也桃弧棘矢以除其災祭司寒而藏之獻羔而啓之火出而畢賦自命夫命婦至於老疾無不受水帑人取之縣人傳之輿人納之隸人藏之夫水以風壯而以風出其藏之也周其用之也徧則冬無愆陽夏無伏陰春無淒風秋無苦雨人不夭札

孝經援神契曰高山之巔無樹深海之淵無水剛太燥
溫太柔也

家語曰霜降而婦功成娶者行

季秋霜降

水泮而農事起婚

禮殺

史記曰姜嫄為帝嚳元妃出野見巨人跡悅欲踐之踐
而身動如孕者居期而生子以為不祥棄渠中冰上飛
鳥以翼覆薦之

薛瑩後漢書曰靈帝光和六年冬北海東萊琅琊井水

厚尺餘

又曰光武至薊上王郎使者至上發薊晨夜馳騫至曲陽滹沱河道吏還言河流澌無船不可渡遣王霸往視實然霸念恐驚衆即還曰水堅可渡比至水可乘帝遂得渡

漢書曰晁錯正書曰夫胡貉之地積陰之處也木皮三寸水厚六尺

臧榮緒晉書曰王祥字休徵後母朱氏思生魚時河水

水堅祥朝朝冒厲風於河涯伺魚一朝忽水開小穴有
雙鯉跳出

王隱晉書曰慕容皝上言正月十二日征平郭遠假陞
下天地之威將士竭命精誠感靈海為水結凌行海中

三百餘里臣聞故老云初無海水之歲

平郭蓋近
昌黎城也

北齊書曰文宣時周人常懼齊兵之西渡恒以冬月守
河椎水及後主即位朝政多紊齊人椎水懼周兵之逼
斛律光憂曰國家常有吞關隴之志今日至此

東方朔神異經曰北方有水萬里水厚百丈鼯鼠在水
下土中焉其毛長八尺可為褥却風寒

王子年拾遺錄曰東海負嶠山有水蠶長七寸有鱗角
以霜雪覆之始為繭其色五綵織為紋錦入水不濡投
火不燎

南燕錄曰慕容德正月渡黎津流澌水合鄴令韓軌言
於德曰昔光武渡滹沱水澌自合今大王濟河天橋自
成德乃大悅

異苑曰石勒伐劉曜於洛陽從大河南濟時河凍將合
軍至而水自泮舟楫無闕遂生擒曜謂是神靈之助
又曰高平平丘孝婦以元嘉中懷娠生一團水得日便
消液成水也

吳越春秋曰越王念復吳怨非一旦也苦思勞心夜以
接日冬寒則抱水夏熱則握火

趙書曰劉曜攻石勒將戰曜欲乘醉乘大赤馬馬故蹢
躅不可近於是退赤馬及合陣敗走曜體素壯馬小不

勝陷水為石堪所擒也

博物志曰削水令員舉以向日艾承其影則有火

西京雜記曰漢制以酒滴為書取其不水以玉為硯亦取其不水也

陸機洛陽記曰水室在宣陽門內恒有水天子用賜王公衆官

戴延之西征記曰凌雲臺有水井延之以六月持去經日猶堅也

述征記曰水井在凌雲臺北古舊藏水處

鄧析書曰明君之御民若乘奔而去轡履水而負重

晏子曰景公伐魯得東門無澤問曰魯年穀何如對曰
陰水凝陽水厚五寸晏子曰如是則寒溫節也寒溫節
則政平政平則年穀孰請禮魯以息怨也

老子曰渙若水將釋

莊子曰夏蟲不可以語於冰者篤於時也曲士不可以
語於道者束於教也

又曰朝受命而夕飲水我其內熱歟

孫卿子曰水生於水而寒於水

淮南子曰淮海有不死之草北方有不釋之水

又曰夫水向冬則凝而為冰迎春則釋而為水水弛易乎前後

又曰觀一葉之落知歲將暮觀瓶中之冰而知天下之寒以近喻遠也

論衡曰夫燠一炬火爨一鑊水終日而不熱也倚一尺

水置庖厨中終夜而不寒也

風俗通曰積水曰凌壯水曰凍水流曰澌水解曰泮

魏子曰居危殆之國治不善之民是猶薄冰當白日聚
毛過猛火也

抱朴子曰五玉不染而堅寒水不礮而勁

又曰蹈薄冰以待夏日登朽枝而須勁風

新論曰盡水鏤冰與時消釋

潮水

說文曰潮朝也從水朝

風土記曰俗說鯤一名海鱈長數千里穴居海底入穴

則水溢為潮出穴則水入潮退出入有節潮水有期

祖台之志怪曰隆安中陳悝於江邊作魚篋

正匪切

潮去

於篋中得一女人長六尺有容色無衣服水去不能動

卧沙中與語不應人有就辱之悝夜夢云我是江黃昨

失道落君篋小人遂見加凌今當白尊神殺之悝不敢

移潮來自隨水去辱者尋病死

吳越春秋曰吳賜子胥劍而死乃投之江中子胥因揚波成濤隨潮往來

博物志曰東海中有牛魚其魚形如牛剝其皮懸之潮水至則毛起潮去則毛復也

臨海異物志曰石鷄清響以應潮慧軀輕遊以遠繫

石鷄

形似家鷄在海中山上海潮水將至輒群鳴相應若家鷄

裴淵廣州記曰石洲在海中名為黃山山北日一潮山

南日再潮

抱朴子曰糜氏云潮汐潮朝來也汐夕至也一月之中
天再東再西故潮水再大再小也又夏時日居南宿陰
消陽盛而天高一萬五千里故夏潮大也冬時日居北
宿陰盛陽消而天卑一萬五千里故冬潮小也又春日
居東宿天高一萬五千里故春潮漸起也秋日居西宿
天卑一萬五千里故秋潮漸減也

又曰天河從北極分為兩頭至於南極其一經南斗中
過其一經東斗中過兩河隨天轉入地下過而與下水

相得又與海水合三水相蕩而天轉排之故激涌而成
潮水

又曰濤水者潮取物多者其力盛來遠者其勢大今潮
水從東地廣道遠乍入狹處陵山觸岸從直赴曲其勢
不泄故隆崇涌起而為濤俗人云濤是伍子胥所作妄
也子胥始死耳天地開闢已有濤水矣

川

說文曰川貫穿通流水也

釋名曰川者穿地而流也

易曰地險山川丘陵也王公設險以守其國

又曰利涉大川

書曰予決九川距四海王肅曰九川者九州之川也

又曰若濟巨川用汝作舟楫

又曰九山刊旅九川滌源

禮曰天降時雨山川出雲

周禮曰揚州其川三江荊州其川江漢豫州其川滎洛

青州其川淮泗兗州其川河沛雍州其川涇汭幽州其川河濟冀州其川衡漳并州其川滹沱

又曰兩山之間必有川焉大川之間必有途焉

大戴禮曰聖人有國則川澤不竭

蔡邕月令章句曰衆流注海曰川

國語曰幽王二年三川皆竭

又曰厲王虐國人謗王召公告王曰民不堪命矣王怒得衛巫使監謗者以告則殺之國人莫敢言道路以目

王喜告召公曰吾能弭謗矣乃不敢言召公曰是郭之也防民之口甚於防川壅而潰傷人必多民亦如之是故為川決之使導為民宣之使言

語曰子在川上曰逝者如斯夫不舍晝夜

竹書記年曰藍田川有漢臨江王榮塚景帝以罪徵之將行榮於江陵北門車軸折父老泣曰吾王不返矣榮至都中尉邳都急切責王王年少恐而自殺葬於是川有燕數萬銜土置塚上百姓憐之

水經注曰龍魚川澤漲不測出五色雲俗以為靈而莫敢採捕因謂是水為龍魚水亦謂之龍魚川也

又曰祥川者漢戚夫人所生處也高祖得而寵之改其地為祥川因表夫人載誕之休祥也

秦州記曰枹罕原地有鳳林川中有黃河水東流

莊子曰昔者禹之導洪水決江河而道四夷九州名川三百支川三千小者無數

方輿記曰清涼川在興道縣北

唐書云德宗皇帝以朱泚之難幸梁洋中書舍人齊映從駕至北川見旌旗蔽野上心駭謂泚之追兵疾至至此見梁帥嚴震具軍容拜馬前叙君臣離亂流涕久之上喜令震登馬與朕作主人映曰嚴震與至尊尊馬御膳自有所司頃之上次洋州行宮召映責以儒生不達兵機烟塵時務姑息主帥映奏曰山南士庶只知有嚴震不知有陛下且今天威親臨令巴蜀士民知天子之尊亦足以盡嚴震為臣子之節上歎之良久震聞特拜

謝映時議多之即此川也

太平御覽卷六十八

欽定四庫全書

太平御覽卷六十九

宋 李昉等 撰

地部三十四

澗

洲

湍 瀨附

灘

澗

釋名曰澗者言在兩山間也

詩曰秩秩斯干

秩秩流行也干澗也

又于以采繁于澗之中

又于以采蘋南澗之濱

又考槃在澗碩人之寬

爾雅曰西山夾水曰澗

漢書曰沛公與項籍臨廣武澗而語數籍十罪

東觀漢記曰耿恭以踈勒城傍有水徙居之匈奴來攻

絕其澗水更笮馬糞汁飲之

水經註曰洛水東北流注于公路澗但世俗音訛號之曰光祿澗非也

異苑曰苻堅為慕容冲所襲堅奔馳墮馬而落澗追兵幾及計無由出馬即踟躕臨澗垂鞚與堅堅不能及馬又跪授焉堅攀之得登岸而走

幽明錄曰人有山行墜澗者無出路飢餓僅死見龜蛇甚多朝暮引頸向四方人因學之遂不復飢體殊輕便能登巖岸經數年復竦身舉臂遂超出澗上即便還家

顏色悅澤頗更聰慧洎食穀啖滋味百日復其本質

郡國志曰漢武元封二年有百羊出庸澗初出一羊野中婦人大驚拍手羊因止今俗生羊禁婦人拍手是也
又水經曰吳房縣山澗有白羊澗澗水出羊

又曰赤松澗在東陽赤松子遊金華山以火自燒而化故山上有赤松子之祠澗自山出故曰赤松澗

十道志曰廣武澗在今滎澤縣西

又征西記三皇山上有二城謂東西廣武城相去二百

餘步隋河水從中東南流今無水城東有高壇即項羽坐太公於上以示漢軍處一謂鴻溝

盧氏嵩山記曰半馬澗人或云百馬澗亦曰拜馬澗故老傳王子晉得仙而馬還人因思之不見乃拜其馬於此也

韓子曰董安于為趙上地守行石阜山見深澗深百仞問其御左右曰人嘗有入此乎曰無有嬰兒狂聾人入此乎曰無有牛馬犬彘入此乎曰無有安于歎曰吾能

治矣使吾法之無赦猶入澗之必死則民莫之犯也

洲

詩曰關關雎鳩在河之洲

爾雅曰水中可居者曰洲

四方有水中央獨高可居也

史記曰越王勾踐平吳徙夫差於甬東韋昭曰即句章東溪口外洲是也

晉書曰殷仲堪為荊州刺史先是仲堪遊於江濱見流棺撈而葬焉旬日間門前之溝忽起成岸其夕有人過

仲堪自稱徐伯云感君之惠無以報也堪因問門前之岸是何祥乎對曰水中有岸其名為洲君將為州言終而沒至是果臨荊州

王隱晉書曰朱崖在大海中遙望朱崖洲大如菌舉帆一日一夜至洲周匝二千里徑度七八百里可十萬家女多姣好長髮美目

吳錄地理志曰吳富春縣有沙漲武烈為郡吏赴府鄉人餞之會於沙上父老曰此沙狹而長君後當為長沙

太守後果然因名孫洲

吳志曰孫權遣衛溫諸葛直將甲士萬人浮海求夷洲及亶洲在海中長老傳言秦始皇帝遣方士徐福將童男女數千人入海求蓬萊神仙及仙藥止此不返世世相承有萬家其上人民時有至會稽貨市

隋圖經曰漢水逕琵琶谷至滄浪洲洲即漁父棹歌處
庾仲雍記云謂之千齡洲

水經注曰龍陽縣之洲長二十里吳丹陽太守李衡植

橘於其上臨死勅其子曰吾洲里有木奴千頭不匱汝
衣食歲絹千疋

又曰崢嶸洲冠軍將軍劉毅破桓玄於此洲

山海經曰鬱洲一曰郁洲在海中郭璞注曰即東海鬱
洲山也傳此洲從蒼梧徙來上有南方物

扶南傳曰漲海中倒珊瑚洲洲底有盤石珊瑚生於上
也

西京雜記曰梁孝王兔園之中又有鴈池池有鶴洲諸

宮館相連異樹怪獸靡不畢備王與宮人賓客弋釣其中

吳地記曰長洲在姑蘇南太湖北岸闔閭所遊獵處也
吳主遣徐祥至魏魏太祖語祥曰孤比者願越橫江之
津與孫將軍遊姑蘇之上獵長洲之苑吾志足矣祥對
曰大王欲奉至順以合諸侯若越橫江而遊姑蘇是踵
亡秦而躡夫差恐天下之事去矣太祖笑曰徐生得無
逆詐耶

湘中記或曰昭潭無底橘洲浮

昭潭湘水至深處也橘洲每大水諸洲悉沒而

橘洲獨

存焉

王韶之始興記曰城西百餘步有棲霞樓臨川王營置
清暑遊焉羅君章居之因名為羅公洲樓下洲上菓竹
交蔭長楊傍映高梧前疎雖即城隍趣同丘壑

盛弘之荊州記曰南江上有龍洲下有寵洲二洲之間
舊云多魚而投罟揮網輒便掛絕乃有客沒而視之水
中有牛二頭常為破網故漁者患之

又曰江津東十餘里有中夏洲之首江之汜也故屈原云經夏首而西浮又二十餘里有涌口所謂閻敖游涌而逸二水之間謂之夏洲首尾七百里

又曰枝江縣西至上明東及江津其中有九十九洲楚諺曰洲不滿百故不出王者桓玄有問鼎之志乃增一為兩以充百數僭號旬時身屠宗滅及其傾覆洲亦消毀至宋文帝在藩忽生一洲果龍飛江表斯有驗矣

荊州圖副曰百里洲其上平廣土沃人豐湖澤所產足

償儉歲又特宜五果甘柰梨蔗於此是出

荆南志曰枝江縣界內洲大小凡三十七其十九有人居十八無人

劉禎京口記曰嘉子洲西一里得貴洲周迴四十里許上多有居民昔魏文帝伐孫權至此洲南望曰彼人有焉而退因名曰貴洲

述征記曰晉寧縣有龍菴洲父老云龍蛻骨於此洲其水今猶多龍骨

山謙之丹陽記曰江寧縣南二十五里有列洲晉簡文帝為相時會桓温處也

郡國志曰朝洲白嶼洲亦自浮來後會稽人姓丁識之云曾藏銅熨斗於上往取果得

又曰潤州長命洲梁武放生處後魏使李諸來聘武帝問曰彼國亦放生否諸曰不取亦不放帝大慙

荊州圖經曰襄陽縣南八里峴山東南一十里江中有蔡洲漢長水校尉蔡瑁所居宗族強盛共保蔡洲為王

如所沒一宗都盡

又曰武當縣西北四十里江有滄浪洲長四里中廣十
三里禹貢稱漢水東流為滄浪水疑此洲是也方言曰
水可居者為洲三輔謂之淤

郭璞注曰上林賦
云行於洲淤之浦

輿地志曰伍子胥叛楚出關於江上見漁父求渡時傍
多人漁父歌曰日灼灼兮駸已馳與子期乎蘆之漪子胥
既渡解百金之劍與漁父漁父曰楚購子粟五萬爵執
圭豈百金之劍乎子胥曰勿令其露漁父知意遂覆舟

而死其處是澗洲水路去洲一百九十里

江夏記曰鸚鵡洲在荆北按後漢書曰黃祖為江夏太守時黃祖方共與賓客大會有獻鸚鵡於此洲故以為名

又荊州記曰江夏郡城西臨江有黃鶴磯又有鸚鵡洲侯景令宋子仙夜襲江夏藏船於鸚鵡洲

建安記曰郡西南大溪之中有仙人洲昔梅真人上昇墜馬於此洲故後名墜馬洲

丹陽記曰白鷺洲在縣西三里隔江中心南邊新林浦西對白鷺洲洲在大江中多聚白鷺因名之

又曰烈洲在縣西南輿地志曰吳舊津所也內有小水堪泊船商客多停以避烈風故以名焉王濬伐吳宿於此簡文為相時會桓玄之所也亦曰溧洲洲上有山山形似粟伏滔北征賦謂之烈洲

又曰吳時客館在蔡洲上以舍遠使蘇峻作逆陶侃等率所統同赴京師直指石頭次于蔡洲是也

又曰張公洲在縣西南梁書太清二年豫州刺史裴東之等舟師二萬次張公洲二年陳霸先擊破侯子監師至張公洲並此處

又曰和子洲在縣西南

三十國春秋曰晉咸和二年溫嶠與陶侃起義兵伐蘇峻帥師四萬直指石頭侃泊嘉子洲即此處也夏月堪泊船冬月淺涸自永昌之初其洲忽一朝崩陷數里隨其形曲折凡作九灣行者所依東西浩然矣尋陽記由

鵲洲在縣北

傳曰昭公五年楚以諸侯伐吳吳敗之於鵲岸按鵲頭與鵲尾相去八十里杜預注云吳地也廬江舒縣東南有鵲尾渚

湍

廣雅曰湍瀨也

水經注曰益陽縣西有雲長瀨所謂關侯灘也南對甘寧故壘昔雲長屯軍水北孫權令魯肅甘寧拒之於是

水寧謂肅曰彼聞吾咳唾之聲不敢渡也渡則成擒矣
又何懼哉

又曰漢水東為鱣湍洪波奔蕩崩浪雲頽故老言有鱣
魚奮鬣遡流望濤直上至此則曝鳃失濟故名湍

異苑曰永嘉郡有百簿瀨郡人斷水捕魚宰牲禱祭以
祈多獲逾時了無所得衆侶忿怨棄業將罷其夕並夢
見老公云諸君且可小停要思其宜夜忽聞有跳躍聲
驚起共看乃是大魚剖以為頓獲百簿故因以百簿名

瀨

益都耆舊傳曰犍為符沅和氏女名先雄和父乘船城
湍墮水物故尸喪不得雄哀慟號咷乘小船于父沒處
哭數聲自投水死後與父相持浮出

盛弘之荊州記曰桂陽來陽縣有兩瀨每縣旱百姓共
壅之甘雨普降若一鄉獨壅雨亦偏應東有博望瀨張
騫使外國經此船沒因以名瀨瀨下接魚腹縣界有羊
腸虎臂灘陽亮為益州至此復沒人至今猶名為使君

瀨

鄭緝之東陽記曰信安縣去石門四十里瀨邊悉有石牒長三尺許以羅列雜繒如店肆也

劉德明南記曰康贛水奔流三百餘里橫波嶮瀨二十四處

灘

益州記曰伏犀灘東南六十里有黃牛峽其崖峻嶮遠望之斑潤頗像黃牛

又水經云昔有黃牛從夔溪而出上此崖乃化為石是名伏犀灘

又曰荔枝灘東南二十五里山頂上有一冢冢唯有女貞樹樹上恒有白猿栖息郡國志云夔道有玉女冢是也

水經注曰江水又東逕狼尾灘而歷人灘袁山松云二灘相去二里人灘水至峻峭南岸有青石夏沒冬出其石欹崙數十步中悉作人面形或大或小甚分明者鬚

髮皆具因名人灘也江水又東逕黃牛山下有灘名曰黃牛灘南岸重嶺疊起最外高崖間有色如人負刀牽牛人黑牛黃成就分明既人跡所絕莫得究焉此巖既高加以江湍紆迴雖途逕信宿猶望見此物故行者謠曰朝發黃牛暮宿黃牛言水路紆深迴環望如一矣

太平御覽卷六十九

欽定四庫全書

太平御覽卷七十

宋 李昉等 撰

地部三十五

淵

泉水

淵

說文曰淵回水也

尚書逸篇曰堯子丹朱不肖舜使居丹淵為諸侯

韓詩外傳曰東海之上有士曰菑丘訢以勇遊於天下
過神淵飲馬馬果沉菑丘訢朝服拔劍而入三日三夜
殺三蛟一龍而出雷電隨而擊之十日十夜眇其左目
大戴禮曰聖人有國則淵不湧

左傳鄭子產曰昔堯殛鯀于羽山其神化為黃熊以入
于羽淵

又曰鄭大水龍鬪于時門之外洧淵

時門鄭城門也

水經注曰白鹿淵南北三百步東西千餘步深三丈餘

其水冬清而夏濁淡然不流

九州記曰樂壽縣有房淵方三百里石勒建安三年水忽變為赤燕慕容雋三年水忽生鹽如印形其淵一日再長再減不失其度居近者時見龍狗之狀戲於旁葉落於淵者輒有群燕銜出

盛弘之荊州記曰新野城北有柴山山上有清冷之淵
焉

又曰魚復縣有神淵北有白鹽崖天旱火燃崖上推其

灰燼下降淵中尋則降雨西有龍淵清深不測傳云漢
祖伐秦途經於此見淵中白壁赤柱狀若官府因名龍
淵

宜都山川記曰鄉下村有淵淵有神龍每旱百姓輒以
毒草投淵上流魚死龍怒應時大雨

齊地記曰瑯琊臺上有神淵汚之則竭齋戒即出

莊子曰舜以天下讓其友北人無擇無擇曰異哉欲以
其國汚我我羞之自投於清冷之淵

管子曰水出於地而不流者命之曰淵

隨巢子曰夏桀德衰岱淵沸

尸子曰龍淵有玉英

司馬相如上林賦曰丹水更其南紫淵經其北

泉水

說文曰泉水源也

易象卦曰山下出泉蒙君子以果行育德

詩泉水衛女思歸也悲彼泉水亦流于淇有懷于衛靡

日不思

又曰爰有寒泉在浚之下

又曰泉源在左淇水在右

又曰莫高匪山莫浚匪泉

又曰相彼泉水載清載濁

又曰原隰既平泉流既清召伯有成王心則寧

又曰虻沸檻泉

傳曰鄭伯寘姜氏于城潁而誓之曰不及黃泉無相見

也既而悔之頴考叔問公公語其故對曰君何患焉若掘地及泉隧而相見其誰曰不然公從之

論語撰考識曰水名盜泉仲尼不漱

應劭漢官儀曰酒泉城城下有金泉味如酒故曰酒泉

郡三秦記曰酒泉郡中有井味如酒也

晉安帝紀曰吳隱之字處默性廉操桓立欲救漢南之弊以隱之為刺史州界有一水父老云飲此水者廉士皆貪隱之始踐境先至水所酌而飲之因賦詩以言志

清操愈厲

沈約宋書曰王彭盱眙人少喪母元嘉初父又亡家貧力弱營葬鄉人助作塋須得水天旱穿井數十丈無水一旦塋竈前忽生泉用之事畢復竭助者嗟嘆

隋書曰豆盧勣武帝嗣位拜渭州刺史甚有惠政華夷悅服德澤流行大致祥瑞鳥鼠山谷呼為高武隴其下渭水所出其山絕壁千尋由來乏水諸羗苦之勣馬足所踐忽飛泉涌出有白鳥翔止廳前孔子而後去又白

狼見於襄武民為之謠曰我有丹陽山出玉漿濟我民
夷神鳥來翔百姓因號其泉為玉漿泉

唐書曰安金藏京兆長安人為太常丞初喪母寓葬於
都南闕口之北廬於墓側躬造石墳石塔晝夜不息原
上舊無水忽有湧泉自出

遁甲開山圖蔡氏解曰女狄暮汲石紐山下泉水中得
月精如鷄子愛而含之不覺而吞遂有娠十四月生夏
禹

水經注曰若耶溪東又有寒溪溪北有鄭公泉深及數丈冬溫夏涼漢太尉鄭公弘宿居潭側因以名泉

又曰橫流溪溪水甚小冬夏不乾俗亦謂貪泉飲者輒冒於財賄同於廣州石門境之貪流矣為二千石則不飲之昔吳隱之挹而不亂豈謂能汨其真乎蓋亦惡其名也

又曰汲城縣北三十里有太公泉泉上又有太公廟廟側高林秀木翹楚競茂相傳曰太公之故居也

又曰土穀縣故城西水源方百步百泉俱出故謂之百脉水

又曰霍太山上有岳廟甚有靈鳥雀不栖其林猛虎常守其庭又有靈泉供祭事鼓動則泉流聲絕則水竭也

又曰長城背山面澤謂之白道城北出有高坂謂之白道嶺沿路唯土穴出泉挹之不窮古詩飲馬長城窟非虛言也

風土記曰陽羨縣西南有泉常有紫黃色浮見水上出
金之地也

益都耆舊傳曰姜詩母好食生魚飲江水詩至誠之感
一朝湧泉在於門側流引江魚以給膳蓋

十洲記曰瀛洲有玉膏山出泉如酒味名之為玉酒也
玄中記曰東方有柴渚焉在齊國山山泉如井狀深不
測至春時電從井中出出常敗五穀人常以林木柴塞
則不出故名為柴渚焉

魏土地記曰頌陽縣東八十里有駸牛山山下有泉泉
競發有一神牛駸身自山而下飲泉竭故山得其名

魏記曰洛城東南六十里有涿鹿城城東一里有改泉
泉上有黃帝祠

三輔舊事曰昔有犢夫母哀鳴甚苦地為發泉因名鳴
犢泉今天旱祭之降雨在馮翊

又曰姜泉在岐山縣水經注云炎帝長於姜水故以名
也

皇甫謐帝王世紀云炎帝神農氏母有喬氏女登為少
典妃遊華陽感神而生炎帝長於姜水因以氏焉

義興記曰國山縣有金硎硎中沙石有灼灼如金者舊
名金泉時獲真金也

漢水記曰漢水有泉方圓數十步夏常沸湧望見白氣
衝天能差百病常有數百人飲

宣城記曰臨城縣南四十里有蓋山登百許步有舒姑
泉昔有舒氏女與其父斫薪於泉處坐牽挽不動父還

告家比還唯見清泉女母曰吾女本好音樂及絃歌泉湧泗流見朱鯉一雙今作樂嬉戲泉故湧出

周景式廬山記曰山西有龍泉精舍初遠法師遣諸道人行卜地息此而渴法師因以杖掘地即泉出天旱法師令道人讀海龍王經泉中有物如蛇而角出騰空中去須臾而雨

括地圖記曰昆丘之上有赤泉飲之不老神宮有美泉飲之眠三百歲乃覺不死

盛弘之荊州記曰城東北三百步有孔子泉其水甘馨
雖帝漿無以過也

又曰宜都夷陸縣南勾將山下有三泉傳云本無此泉
居者苦於汲水有一女子孤貧忽有一乞人瘡痍竟體
村人無不稱惡此女哀矜飴之乞人乃腰中出刀刺山
下三處即飛泉涌出

尋陽記曰莫山有澗深尺餘朝夕輒有湧泉溢出如潮
號為潮泉

外國圖曰負丘有赤泉飲之不老

郡國志曰蘭州有梁泉昔梁暉者為羗所圍無水暉以鞭扣地以青羊祈山神湧泉出而榆木成林

又曰肅州延壽城有山出泉注地水肥如肉汁燃之極明與膏無異但不可食此方人謂名漆得水愈熾

呂氏春秋曰太公釣於滋泉

又曰水之美者崑崙之井高泉之山有涌泉焉

淮南子曰正土之氣仰乎埃天

正土中也其氣上水埃天中央也

埃天

五百歲生蚨

蚨石名也中央數五故五百歲而一化

蚨五百歲生黃頤

黃頤

英水銀也

黃頤五百歲生黃金

黃頤英五百歲化而為黃金也

黃金千歲生

黃龍

黃金之精為黃龍也

黃龍入藏生黃泉

黃泉黃龍之精洿也

黃泉之埃

上為黃雲

其氣上至天也

陰陽相薄為雷激陽為電

言黃氣之相激薄也

上者就下

其氣遍流於天下也

流水就通激而合乎黃海

言水從天下則

通流入于海也

偏土之氣仰乎青天

偏土方土也

青天八百歲生青

增

青增青石也東方數八故八百歲而一化也

增八百歲生青頤頤八百歲

生青金金千歲生青龍青龍入藏生青泉青泉之埃上為青

雲陰陽相薄為雷激陽為電上者就下流水就通而合

乎青海壯土之氣仰於赤天

壯土南方土也

赤天七百歲生赤

丹

赤丹砂也南方數七故七百歲而一化也

赤丹七百歲生赤金

丹砂也化為砂而可

以為金故氣赤頤也

金千歲生赤龍赤龍入藏生赤泉赤泉之埃上

為赤雲陰陽相薄為雷激陽為電上者就下流水就通

而合乎赤海弱土之氣仰乎白天

弱土西方土也

白天九百歲

生白礬

白礬白石也西方數九故九百歲而一化也

白礬九百歲生白頤白

頤九百歲生白金白金千歲生白龍白龍入藏生白泉

白泉之埃上為白雲陰陽相薄為雷激陽為電上者就

下流水就通而合乎白海牡土之氣仰乎玄天

牡土北方土也

玄天六百歲生玄磁

磁石也北方數六故六百歲而一化也

玄磁六百歲

生玄瀕玄瀕六百歲生玄金玄金千歲生玄龍玄龍入

藏生玄泉玄泉之埃上為玄雲陰陽相薄為雷激陽為

電上者就下流水就通而合乎玄海

又曰崑崙四水者帝之神泉以和百藥以潤萬物也

傅咸神泉賦曰余所居庭庭前有湧泉在夏則冷涉冬

而溫每夏遊之不知歲之有暑

抱朴子曰崑崙及蓬萊其上鳥獸飲玉井泉皆長生不死也

李華雲母泉詩序曰洞庭湖西玄石俗謂之墨山山南有佛寺倚松嶺嶺下有雲母泉泉出石引流分渠周遍庭宇發源如乳源末派如浮漿烹茶灌園澆濯皆用之大浸不盈大旱不耗自墨山西北至石門東南至東陵廣二十里盡生雲母墻階道路光彩如列星井泉溪

潤色皆純白鄉人皆壽考無癖痼疥搔之疾華深樂之

太平御覽卷七十

欽定四庫全書

太平御覽卷七十一

宋 李昉等 撰

地部三十六

漢水

瀑布

溫水

潢

津

渚

澗

沚

坻

湄

漬

涖

波

瀟水

爾雅曰瀟水出尾下

瀟敷問切汾陰有水口如車輪名為瀟尾猶底也

列子曰禹之治水而失塗謬之一國其名終北不知際

畔無風雨霜露魚禽草木國中有山名壺嶺頂有穴狀

若圓環名滋穴有水湧出曰神瀟山臭過蘭椒味過醪

醴一源分為四埒人飲神瀆力志平和過則醉經旬迺醒也

瀑布水

水經注曰涑水又南入山瀑布飛梁懸河注壑崩湍十許丈謂之馬落山

幽明錄曰三峯最為竦桀自非清霽素朝不可望見峯下有泉飛流如舒一疋綃分映青林直注山下雖纖羅不動其上脩脩恒淒清風也

臨海記曰郡西北有白鵠山山有池水懸注遙望見如

倒掛白鵠因以名山上有深湖中又有魚如二百斛船
大長二丈許

羅浮山記曰羅嶺之南有瀑布掛泉四十餘丈

周景式廬山記曰泉在黃龍南數里即瀑布水也土人
謂之泉湖其水出山腹掛流三四百丈飛湍於林峯山
表望之若懸索注水處石悉成井其深不測也

何尚之清暑殿賦曰深波奔上瀑布懸下

孫興公天台山賦曰赤城霞起以建標瀑布飛流而界

道

竺法真登羅山疏曰增城縣有石溝深廣三丈有兩瀑布皆同注此溝相傳云是仙人流杯池水

溫泉

華陽國志曰邛都縣南有溫泉冬夏長熱其源可湯鷄豚下流澡洗治宿病餘多惡水水神自司不可穢污及沉亂髮照面使人惡疾

幽明錄曰始興靈水源有湯泉每至霜雪見其上蒸氣

高數十丈生物投之湏臾便熟

吳錄曰始興縣有始興山山出溫泉可以淪鷄

山海經曰溫水出空峒山山在臨汾南入河逕陽北也

幽明錄曰艾縣輔山有溫冷二泉同出一山之庭兩泉發源相去數尺熱泉可以淪鷄冷泉常有水生

博物志曰不周山六川之水温如湯也

辛氏三秦記曰始皇生時作閣道至驪山八十里人行橋上車行橋下金石柱見存西有溫水俗云始皇與神

女戲不以禮女唾之則生瘡始皇怖謝神女為出溫泉
後人因洗浴焉

江乘地記曰東南三十五里有湯泉半冷半溫共同一
壑

盛弘之荊州記曰新都縣有溫泉冬月未至數里遙見
白氣如烟上下交映狀如綺䟽又有車輪雙轆形世人
傳昔有玉女乘車自投此泉人時見女子姿儀光麗往
來倏忽人造泉一有聲則沸從下出而不可止也

又曰棗陽縣界有溫泉其下有田資以浸灌一年三熟
王孚安城記曰宜陽縣南鄉有溫泉焉以生鷄卵投其
中熟如煮也

伏琛齊地記曰曲城東七十里有溫水水如湯沸可療
百病煮物無不熟也

水經注曰溫水出太乙山其水沸湧如湯杜彥回曰可
治百病水清則病愈水濁則無驗

潢

說文曰潢積水池也

晏子春秋曰景公與晏子立曲潢之上公望見齊國問
晏子曰後世孰將踐有齊者晏子對曰非賤臣之所敢
議

津

論語曰長沮桀溺耦而耕孔子過之使子路問津焉長
沮曰夫執輿者為誰子路曰為孔丘曰是魯孔丘與曰
是也曰是知津矣

言數周流
自知津處

晉書曰雷煥卒子華為州從事持劍行經延平津忽於
腰間躍出墮水使人投水取之不見劍但見兩龍各長
數丈蟠縈有文章投者懼而返須臾光彩照水波浪驚
沸

崔鴻十六國春秋曰石虎起河橋於靈昌津採石為中
濟石無大小下輒隨流用功五百餘萬而終不成虎遣
散騎侍郎崔收沉壁中流告誠已地震水流莫不傾壞
壓死者百餘人虎甚怒乃斬工匠止作而還

又曰慕容德正月渡黎陽津流澌水合鄴令韓軌言於德曰光武渡滹沱澌水自合大王濟河天橋自成靈命所扶徵兆已見德大悅改黎陽津為天橋津

郡國志曰陝州平陸縣小平津張讓劫獻帝處南岸有勾陳壘武王伐紂八百諸侯會于孟津

又曰杜預造河橋於富平即此也

又曰曹州離狐縣有延津澹臺子羽投壁斷蛟處

鄴道元水經注曰舊東郡白馬縣神馬亭有神馬寺去

白馬津可二十里許東南去白馬縣故城可五十里開山圖所謂白馬山也山上常有白馬羣行悲鳴則河決馳走則山崩

又曰呂望東海人也老而無遇以釣于周呂望行年五十賣食棘津七十則屠牛朝歌行年九十身為帝師

又曰弘農郡有竇津說者咸云漢武微行相谷遇辱感竇妻深識既反厚賚賞焉賜以河津令其鬻渡今竇津是也

又曰雲中定襄之間有津曰君子津昔漢桓帝三十年西幸榆中東行代地洛陽大賈賣金貨隨帝後行夜迷失道往投津長津長送之渡河賈人卒死津長埋之其子尋求父喪發塚舉尸資費一無所損其子悉以金與之津長不受事聞於帝帝曰君子也即名其津為君子津

又曰河水東北為長壽津

述征記曰涼城至河壽津六十里河之故瀆在焉

異苑曰石勒元初十一年伐劉曜於洛陽從大河南濟
時凍將合軍至而水自泮舟楫無閱遂生擒曜謂是神
靈之助改名靈昌津

吳越春秋曰勾踐入吳吳王遣之越王伏不敢起吳王
遂引上車范蠡為執御至三津之上仰天長歎淚下沾
襟曰嗟乎孤危也不意復生渡此津

渚

釋名曰渚遮也能遮水從傍迴也

詩曰鴻飛遵渚公歸無所於汝信處

又曰魚潛在淵或在於渚

又曰鳧鷖在渚公尸來燕來處

廣雅曰渚處也

晉書曰温嶠至牛渚磯水深不可測世云其下多怪物
嶠遂燬犀角而照之須臾見水族覆水奇形異狀或乘
車馬著赤衣者嶠其夜夢人謂已曰與君幽明異路何
意相照也意甚惡之嶠先有齒疾至是拔之中風至鎮

未旬而卒

又曰殷羨建元中為豫章太守去郡郡人多附書一百餘封行至江西石頭渚岸以書擲水中祝曰沉者自沉浮者自浮殷洪喬非是致書郵故時人號為投書渚

吳興記曰烏程西風渚者防風氏國也

幽明錄曰淮南牛渚津水極深無可算計人見一金牛形甚醜因名焉

文選詩曰雙鷺遊蘭渚

滴

釋名曰滴術也堰使水鬱術也魚梁水碓之謂也

爾雅曰人所為曰滴

沚

釋名曰沚止也水可以息其止也

詩曰溯洄從之宛在水中沚

又曰菁菁者莪在彼中沚

傳曰澗溪沿沚之毛潢汙行潦之水可薦於鬼神可羞

於王公

坻

說文曰秦謂陵阜曰坻

釋名曰坻遲也能小過水使流遲也

賈誼鵬鳥賦曰乘流爰逝兮得坻則止

湄

神仙傳曰河上公漢景帝時結草為庵於河之湄常讀老子書帝不解老子數事遣問公不答帝駕從之即躍

身空中矣

瀆

說文曰瀆水涯也

詩曰汝墳道化行也文王之化行乎汝墳之國也遵彼
汝墳伐其條枚

又曰彼汾沮洳言采其莫

洳

說文曰洳水涯也



詩曰綿綿葛藟在河之涘

又曰所謂伊人在水之涘

波

釋名曰風吹水成紋為瀾瀾連也波體轉流相及連也
小波曰淪淪倫也水相次有倫理也

詩曰有豕白蹄烝涉波矣

魏志曰魏明帝至廣陵臨江觀兵見波濤涵湧歎曰此
天所以限南北也遂歸

又曰徐宣從文帝於廣陵六軍乘船風浪暴起帝船迴
倒宣時病在後凌波獨前羣僚無至者帝壯之遷尚書
益都耆舊傳曰張霸為會稽太守入海捕賊遭疾風晦
冥波水湧起士卒驚白霸霸曰無得恐太守奉法追賊
風必不為害須臾風靜波止

莊子曰孔子遊乎緇帷之林休坐乎杏壇之上有漁父
者孔子曰其聖人歟乃下求之漁父語訖刺船而去延
緣葦間頽淵還車子路授綏孔子不顧待水波定不聞

挈音而後敢乘

挈船
擢也

淮南子曰武王伐紂渡盟津陽侯之波逆如擊疾風晦
真人馬不相見於是武王左操黃鉞右執白旄瞑目而
麾之曰余在天下誰敢害吾志者於是風霽波罷

又曰楚國之人有乘船而遇大風者波至而恐自投水
非不貪生而畏死或恐死而忘生也

世說曰桓宣武在南州與會稽王會於漚洲于時漾舟
江側謝公亦在狂風忽起波浪鼓湧非人力所制桓有

懼色會稽王亦微異惟謝公怡然自若頃間風止桓問
謝曰向那得不懼謝笑止徐答曰何有三才同盡理
孔叢子曰子順謂韓王曰胡越之人同舟濟江中流遇
風波其相救如左右手所患同也

廣雅曰陽侯濤大波也

戰國策曰或謂公叔曰乘舟漏而不塞則舟沉矣塞漏
舟而輕陽侯之波則舟覆矣今公自以辯於薛公是塞
漏舟而輕陽侯之波也

太平御覽卷七十一

欽定四庫全書

太平御覽卷七十二

宋 李昉等 撰

地部三十七

藪

澤

陂

藪

說文曰藪大澤也

周禮曰揚州之澤藪曰具區荊州之澤藪曰雲夢豫州之澤藪曰圃田青州之澤藪曰望諸兗州之澤藪曰大野雍州之澤藪曰弦蒲幽州之澤藪曰豸養冀州之澤藪曰揚紆并州之澤藪曰昭餘和

國語曰穀洛鬪將毀王宮王欲壅之太子晉諫曰古之長民者不隳山不崇藪不防川不竇澤夫山土之聚也藪物之歸也

又曰其後伯禹念前之非度度法釐改制量象物天地比

類百則儀之於民而度之於羣生共之從孫四岳佐之高高下下

䟽川導滯鍾水豐物豐殖九數滌越九原宅居九隩

隩內也九州之內皆可宅

居也合通四海故天無伏陰地無散陽水無沉氣火無災

燁神無間行民無淫心時無逆數物無害生師象禹之
功度之于軌儀莫不嘉績克厭帝心皇天祐之祚以天

下

爾雅曰魯有大野

今高平鉅野縣東北大澤

晉有大陸

今鉅鹿北廣河澤秦

有楊陞

音謳今在扶風沂縣西也

宋有望諸

今在梁國睢陽縣東北也

楚有雲夢

今南郡華容縣東南巴丘湖是也

吳越之間有具區

今吳縣南太湖即震澤也鄭有

圃田

今滎陽中牟縣西圃田澤

周有焦獲

音互今扶風池縣陽陂中是也

燕有昭餘

祁

今太原鄆陵縣九澤是也

齊有海隅

海濱廣斥

漢書曰司馬相如諭巴蜀父老文云鵬鵬已翔於寥廓

之宇而羅者猶視於藪澤

風俗通曰藪厚也草木魚鼈所以厚養人君與百姓者

也

呂氏春秋曰昭餘祁一名太昭又曰漚澤周禮并州藪

俗名鄆城泊是按數自太原祁縣連延西接至此

關中記曰弦蒲藪按職方氏雍州其藪曰弦蒲晉太康地志云沂縣有蒲谷鄉弦中谷乃雍州之弦蒲也按漢書地志取蒲藪即弦蒲藪是焉

水經注曰沂水源出沂山蒲谷鄉雍中谷決為弦蒲藪

澤

釋名曰下有水曰澤言潤澤也

又曰水決出而為澤曰掌言水停處如掌中也今兗州

人謂澤曰掌

說文曰坳澤在崑崙墟下荷澤在山陽胡陸南

易曰麗澤兌君子以朋友講習

又曰澤中有雷隨君子以嚮晦入宴息

又曰上天下澤履君子以辨上下定民志

又曰澤上有地臨君子以教思无窮容保民无疆

又曰山上有澤咸君子以虛受人

又曰上火下澤睽君子以同而異

又曰澤上有雷歸妹君子以永終知敝

又曰山下有澤損君子以懲忿窒慾

又曰澤上于地萃君子以除戎器戒不虞

又曰澤上有水節君子以制數度議德行

又曰澤中有火革君子以治厯明時

又曰澤上有風中孚君子以議獄緩死

又曰澤滅木大過君子以獨立不懼遁世无悶

又曰澤无水困君子以致命遂志

又曰澤上于天夬君子以施祿及下居德則忌

河圖曰大迹出雷澤華胥履之生伏羲

書曰雷夏既澤灘沮會同

孔安國注曰雷夏澤名

書大傳曰舜漁于雷澤

鄭玄注曰雷澤今屬濟寧

詩曰彼澤之陂有蒲與荷

周禮曰川澤其動物宜鱗物其植物宜膏物其民黑而

津

又曰澤虞掌國澤之政令為之厲禁使其地之人守其

財物以時入之于王府頒其餘于萬民

禮曰獺祭魚然後虞人入澤梁

禮記稽命徵曰王者德禮之制著澤谷中有朱鳥白玉赤蛇赤龍出焉

傳曰宣十五年晉侯救宋伯宗曰不可古人有言曰雖鞭之長不及馬腹天方授楚未可與爭雖晉之強能違

天乎諺曰高下在心

度時制宜

川澤納污

受污濁也

山藪藏疾

又曰衛侯奔齊孫氏追之敗公徒于柯澤

濟北東阿縣西南有大澤

是也

又曰叔向母曰深山大澤實生龍蛇

廣雅曰方澤祭地也

太公金匱曰夏桀之時有苓山之水桀常以十月發民鑿山穿陵通於河民諫曰孟冬鑿山穿陵泄天氣發地藏天子失子道後必有敗桀殺之暮年苓山一旦崩為大澤

戰國策曰淳于髡一日見七人於齊宣王王曰千里而

一士是比肩而立百世而一聖若隨踵而至淳于髡曰

今求桔梗於沮澤則累世不得一矣

桔梗山中之草

史記曰陳餘與張耳相失意解印綬付耳亡入澤中捕魚

史記封禪書云上郊雍通回中道春至鳴澤

漢書曰高祖以亭長送徒驪山徒道亡到豐西澤中停飲夜皆解縱曰公等皆去吾亦從此逝矣

又曰秦始皇帝常謂東南有天子氣於是東遊以厭之

高祖即自疑亡匿隱巖石之間呂后與人往求常得之
高祖怪而問之呂后曰季所居上常有雲氣故從往常
得季高祖心喜沛子弟或聞之多欲附者

西域傳曰康居國西北二千里有奄蔡國控弦十萬臨
大澤而居

又曰河有兩源合注昌蒲海昌蒲海一名鹽澤者也去玉門
陽關三百里廣袤三百里其水冬夏不增減皆以為潛行地中
續漢書吳祐嘗牧豕於長垣澤中

晉中興書曰劉牢之至五橋澤中敗績兵士殆盡牢之
馬超五丈澗得免

晉書曰陶侃少時漁於雷澤嘗網得一織梭以掛于壁
有頃雷雨至遂為龍而去

穆天子傳曰天子北征舍于珠澤

山海經曰稷澤

后稷神所憑
因以為名也

帝王世紀曰崔山之地一夕為大澤而深九尺
戴延之西征記曰巨澤魯之西界孔子獲麟處

管子見北澤燒火照臺下因曰千乘之國不可無薪而炊今北澤燒農夫得賣其薪莢一束十倍

又曰涸澤數百歲水不絕者生慶忌其狀若人長四寸黃衣黃冠戴黃蓋乘水鳥好疾馳以其名呼之可使千里外一日反報此涸澤之精也

文子曰高莫高於天下莫下於澤天高澤下聖人法之韓宣子曰魯燒稷澤天北風火南移恐燒國哀公懼自率衆趨救之

新序曰晉君逐獸于碭入大澤迷不知所出問漁者送
出澤因以諫之公令記其名漁者曰公亟反國臣亦反
漁所又曰楚威王問於宋玉曰先生其有遺行與何士
民衆庶不譽之甚也宋玉對曰鯨魚朝發崑崙之墟暮宿
於孟瀦夫尺澤之鯢豈能與之量江海之大哉世俗之
民又安知臣之所為哉

風俗通曰水草交曰澤言潤萬物以阜民用

水經注曰路溫舒鉅鹿縣之東里人里監門使溫舒牧

羊澤中取蒲葉用寫書即此澤也

又曰泐澤河水之所潛也其源渾渾泡泡者也東去玉門陽關一千三百里廣輪四百里其水澄渟冬夏不增減其中洄湍雷轉為隱淪之脉當其圜流之上飛禽翔于霄中者無不墜於淵波即河水之所潛而出於積石也

又曰徐州豐西澤即高祖斬白蛇之所

又曰中牟縣圃田澤北與陽武分水澤多麻黃草故述征記曰踐縣境便覩斯卉焉則知踰界今雖不能然諒

亦非謬詩所謂東有甫草也又左傳曰鄭之有原圃猶
秦之有具圃澤在中牟縣西限長城東極官渡北佩渠
水東西四十許里南北二十許里中有沙岡上下二十
四浦津流遙通淵潭相接各有名焉有大漸小漸有大
灰義魯練秋大白楊小白楊散嚇禺中羊圈大鵠小鵠
龍澤蜜羅大哀小哀大長小長大縮小縮伯丘大蓋牛
眼等浦水盛則北注渠溢則南播故竹書紀年云梁惠
成王十五年入河于甫田又為大溝而引甫水者也

圖經曰晉有大陸呂氏春秋云晉之大陸猶趙之鉅鹿也按隋圖經云大陸大鹿大河即一澤而異名也又按漢書云路溫舒取蒲用寫書即此也尚書云納於大麓是此也

河南圖經曰廣成澤在梁縣西四十里

後漢書云安帝永初元年以廣成游獵地假與貧人于時馬融作廣成頌云大漢之初基也揆厥靈囿營于南郊右轡莫板切三途左檠嵩岳面據衡陰箕背王屋浸以

波差演以榮洛金山石林殷起乎其中神泉側出丹水
湟池怪石浮磬焜耀于其陂是此澤也隋大業中置馬牧
焉亦名廣陂其溉灌之利至今百姓賴之

輿地志曰梓澤在王城西北三十里與金谷相近又郡
國志云梓澤即金谷也有金水出焉故謂之金谷晉石
季倫別墅在焉

陂

說文曰陂池也

書曰九川滌源九澤既陂

詩曰彼澤之陂有蒲與荷

陂澤也

史記曰高祖母云劉媪嘗息大澤之陂夢與神遇時雷電晦冥見交龍於其上已而有娠遂產高祖

又曰甯成抵罪得脫乃詐刻傳出關歸家稱曰仕不至二千石賈不至千萬安可比人乎乃貰貸買陂田千餘頃假貧民役數千家

漢書曰汝南舊有鴻隙大陂郡以為饒成帝時關東數

水陂溢為害翟方進為相以為決去陂水其地肥美省隄防之費遂奏罷之及翟氏滅鄉里歸惡於方進言方進請陂下良田不得而奏罷陂云王莽時郡枯旱因追怨方進童謠云壞陂誰翟子威飯我豆食羹芋魁反乎覆陂當復誰言者兩黃鵠

謝承後漢書曰汝南許陽曉地脉太守鄧晨署為永平水掾使治鴻隙陂陂成人譖陽言取錢晨繫陽於獄後乃釋之出時暮陂上有火光引前清德之感也

又曰建武中太守鄧晨使許陽典復鴻隙以陽為都水掾陽曰昔成帝夢上天天帝怒曰何故壞我濯龍淵於是乃因高下形勢起塘四百餘里數年乃立

後漢書郭林宗游汝南先過袁閔不宿而退往從黃憲累日方還曰叔度汪汪若干頃陂澄之不清滄之不濁魏畧曰明帝出次摩陂有龍見於井中帝出觀龍因改摩陂為龍陂

異苑曰東鄉太湖吳庚申歲於此有一軍士五百人將

破堰先以酒肉祈神約令水涸夜夢人云塘水速竭若見巨鱗慎勿殺也又有銅釜竝不可發明往決水翕然而盡得白魚形狀非常小人貪利剖而治之見昨所祭餘食充溢腸內須臾復得釜又取發水便暴出五百人一時沒溺唯督監得存具說事狀于今猶名此湖為五百陂

汝南先賢傳曰鄭敬去吏隱居于蟻陂之陽以漁釣自娛彈琴詠詩常方坐於陂側隨杞柳之蔭鋪茅蔕為席

淮南子曰譬若同陂而溉田其受水均也

孫綽子曰海人曰橫海有魚一吸萬頃之陂

抱朴子曰葛仙公每酒醉常入家門前陂水中卧竟日
乃出

方輿記曰新蔡縣葛陂費長房化竹之所後漢於此立
葛陂縣

河南圖經曰洛水自苑內上陽宮南瀾浸東注當宇文
愷版築之時因築斜堤今東北流水衡作堰九所形如

偃月謂之月陂

壽春圖經曰芍陂在安豐縣淮南子曰楚相作期思之陂灌雩婁之野又輿地志崔寔月令云孫叔敖作期思陂卽此是也故漢王景為廬江太守重修起之境內豐給又按芍陂上承淠水南自霍山縣北界騶虞石入號曰淩水是北流注陂中凡經百里灌四萬頃

芍陂魏志音鵲



太平御覽卷七十二